

豐城縣志卷之五

官政志四

學校

內列修建紀畧 聖謨 聖籍學額崇儒鉅典 聖藻享祀諸制諸圖名宦鄉賢攷規制公業各條

歷朝修建學宮紀畧

唐永徽二年遷縣治於章水東建學於治東南

宋紹熙十三年縣令雷繼遠遷建治東即今所黃次山記

胡令璉余令畚增修劉令卿月購范氏地廣其後

元至元二十三年陞為州學州守陳元凱修之大德二年

姚守用中復修揭傒斯記皇慶元年李學授克家增修

元末燬惟大成殿存

豐城縣志

卷五

學校

明洪武元年州尹強立重建二年復改州為縣學知縣林

弼作櫺星門知縣朱瑄張敬及楊譽先後增修宣德四

年布政使陳智命鄭子明聶伯墳重修胡儼記成化二

年主簿王燧加修十四年副使洪下檄知縣周芳縣丞

朱萱重建基視舊高增六尺廣增四尺有奇張元禎記

宏治七年知縣劉燧復修知縣何洽改濬泮池嘉靖間

巡撫盛應期叅政徐讚檄知縣李章重新楊廉記十年

奉旨撤像易以木主萬歷間知縣吳達可韓文相繼修

葺四十二年通判陶以詩購民居拓地增修吳道南記

明末圯

國朝順治十二年知縣宗彝重建有記十七年知縣何士錦  
增新陸履敬記康熙年間知縣房廷楨莫風鯤蔡毓華  
王鎬薛景瑩盧佐斌王履仁雍正年間知縣楊萃劉象  
賢均修葺乾隆四年教諭盛逢瀾暨邑紳謀重建知縣  
楊志道倡率合邑捐銀五千兩邑紳金華府通判李堡  
捐銀一千兩悉撤舊新之盛逢瀾記乾隆四十年職員  
呂仕麟復捐二千四百餘金修葺嘉慶十一年知縣朱  
如金勸諭合邑撤舊重新道光五年復修

聖謨

御製臥碑文頌勒各學 順治九年

豐城縣志

卷五

學校

二

朝廷建立學校選取生員免其丁糧厚以廩膳設學院學  
道學官以教之各衙門官以禮相待全要養成賢才以  
供

朝廷之用諸生皆當上報

國恩下立人品所有教條開列於後

- 一生員之家父母賢智者子當受教父母愚魯或有非
- 為者子既讀書明理當再三懇告使父母不陷於危亡
- 一生員立志當學為忠臣清官書史所載忠清事蹟務
- 須互相講究凡利國愛民之事更宜留心
- 一生員居心忠厚正直讀書方有實用出仕必作良吏

若心術邪刻讀書必無成就爲官必取禍患行害人之  
事者往往自殺其身常宜思省

一生員不可干求官長交結勢要希圖進身若果心善  
德全上天知之必加以福

一生員當愛身忍性凡有司官衙門不可輕入卽有切  
己之事止許家人代告不許干與他人詞訟他人亦不  
許牽連生員作證

一爲學當尊敬先生若講說皆須誠心聽受如有未明  
從容再問毋妄行辨難爲師長者亦當盡心教訓勿致  
怠惰

豐城縣志

卷五

學校

三

一軍民一切利病不許生員上書陳言如有一言建白  
以違制論黜革治罪

一生員不許糾黨多人立盟結社把持官府武斷鄉曲  
所作文字不許妄行刊刻違者聽提調官治罪

欽頒訓飭士子文

康熙四十一年

國家建立學校原以興行教化作育人才典至渥也朕臨  
御以來隆重師儒加意庠序近復慎簡學使釐剔弊端務  
期風教修明賢才蔚起庶幾棫樸作人之意乃比年士習  
未端儒效罕著雖因內外臣工奉行未能盡善亦由爾諸  
生積錮已久猝難改易之故也茲特親製訓言再加警飭

爾諸生其敬聽之從來學者先立品行次及文學學術事  
功原委有絃爾諸生幼聞庭訓長列宮牆朝夕誦讀寧無  
講究必也躬修實踐砥礪廉隅敦孝順以事親秉忠貞以  
立志窮經考業勿雜荒誕之談取友親師悉化僑盈之氣  
文章歸於醇雅毋事浮華軌度式於規繩最防蕩軼子衿  
佻達自昔所譏苟行止有虧雖讀書何益若夫宅心弗淑  
行已多愆或蜚語流言矧制官長或隱糧包訟出入公門  
或唆撥姦猾欺孤凌弱或招呼朋類結社邀盟乃如之人  
名教不容鄉黨弗齒縱倖脫襁扑濫竊章縫返之於衷寧  
無愧乎況夫鄉會科名乃掄才大典關係尤鉅士子果有

豐城縣志

卷五

學校

四

真才實學何患困不逢年顧乃標榜虛名暗通聲氣夤緣  
詭遇罔顧身家又或改竄鄉貫希圖進取囂凌騰沸網利  
營私種種弊端深可痛恨且夫士子出身之始尤貴以正  
若茲厥初拜獻便已作奸犯科則異時敗檢踰閑何所不  
至又安望其秉公持正爲國家宣猷樹績膺後先疏附之  
選哉朕用嘉惠爾等固不禁反覆惓惓茲訓言頒到爾等  
務共體朕心恪遵明訓一切痛加改省爭自濯磨積行勤  
學以圖上進國家三年登造束帛弓旌不特爾身有榮卽  
爾祖父亦增光寵矣逢時得志寧俟他求哉若仍視爲具  
文玩愒勿做毀方躍冶暴棄自甘則是爾等冥頑無知終

不能率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不預也爾多士尙敬聽之哉

欽頒訓飭士子文

乾隆十年

士爲四民之首而大學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知

豐城縣志

卷五

學校

五

國家以經義取士使多士由聖賢之言體聖賢之心正欲使之爲聖賢之徒而豈沾沾焉文義之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟

能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

聖籍

康熙五十三年

御製周易折衷暨朱子全書成頒行各學

雍正五年

命將

聖祖欽定書經彙纂詩經彙纂春秋傳說彙纂

御製性理精義刊板頒行各學

頒學現存書 未詳年月道光四年查載

欽定周官義疏

欽定儀禮義疏

欽定禮記義疏

周易述義

御製日講四書解義

豐城縣志

卷五

學校

七

御批通鑑綱目

明史

綱鑑正史約

評鑑闡要

大學衍義

授時通考

上諭 雍正年頒發

學政全書

學額

縣舊額入學十五名雍正二年呈請增額五名共入學二十名

國朝崇儒鉅典 歷朝封號攷附

順治二年祭酒李若琳奏加孔子謚號大成至聖文宣  
先師孔子疏下禮臣議奉

聖旨加稱大成至聖文宣先師孔子

康熙五十一年奉

旨以先賢朱子特升配大成殿十哲之次

康熙五十四年從江南學政余正健請以宋儒范仲淹  
從祀

雍正元年

詔追封木金父公爲肇聖王祈父公爲裕聖王防叔公爲詒聖

豐城縣志

卷五

學校

八

王伯夏公爲昌聖王叔梁公爲啓聖王改啓聖祠爲崇  
聖祠

命各省學宮建忠義孝弟祠仍建節孝祠於學宮之外

雍正二年奉

旨以改祀於鄉之林放蘧瑗鄭康成范甯及罷祀之秦冉顏何  
俱復祀孔子弟子縣亶牧皮孟子弟子樂正克公都子  
萬章公孫丑漢諸葛亮宋尹焞黃榦陳淳何基王柏魏  
了翁元金履祥許謙陳澔趙復明羅欽順蔡清

本朝陸隴其十六人俱增祀宋張載之父張迪增祀崇聖  
祠



五年奉

上諭先師誕辰一日齋戒諱名加卍爲邸

乾隆二年

詔以元儒吳澄從祀

三年升有子爲十二哲

道光二年閏三月從御史馬步蟾請以明儒劉宗周從

祀西廡列蔡清之次

三年二月從通政使叅議盧浙請以原任尙書湯斌從

祀東廡列明儒羅欽順之次

歷代封號攷

豐城縣志

卷五

學校

九

漢平帝元始元年追謚褒成宣尼公

東漢和帝永元四年封褒尊侯

北魏孝文帝太和十六年改謚文聖尼父

後周靜帝大象二年封鄒國公

隋文帝贈先師尼父

唐太宗貞觀二年尊爲先聖十一年尊爲宣父

高宗顯慶二年尊爲先師乾封元年追贈太師

天授元年封贈爲隆道公

元宗開元二十七年追謚爲文宣王南向坐

宋眞宗大中祥符元年加謚元聖文宣王五年改封至聖

文宣王徽宗崇寧元年詔追封孔鯉泗水侯孔伋沂水侯

〔元〕武宗大德十一年詔加封大成至聖文宣王

文宗至順元年加封齊國公爲啟聖王顯爲啟聖夫人

〔明〕太祖洪武初年封爵仍舊嘉靖九年詔從張璁請稱至

聖先師孔子

餘各封諡不備志

聖藻

康熙二十三年

御書萬世師表匾額頌懸各學

豐城縣志

卷五

學校

十

雍正四年

御書生民未有匾額頌懸各學

乾隆二年

御書與天地參匾額頌懸各學

嘉慶四年

御書聖集大成匾額頌懸各學

道光元年

御書聖協時中匾額頌懸各學

以上俱恭懸大成殿

御製至聖先師贊并序

康熙二十五年

蓋自三才建而天地不居其功一中傳而聖人代宣其蘊  
有行道之聖得位以綏猷有明道之聖立言以垂憲此正  
學所以常明人心所以不泯也粵稽往緒仰遡前徽堯舜  
禹湯文武達而在上兼君師之寄行道之聖人也孔子不  
得位窮而在下秉刪述之權明道之聖人也行道者勳業  
炳於一朝明道者教思周於百世堯舜文武之後不有孔  
子則學術紛淆仁義湮塞斯道之失傳也久矣後之人而  
欲探二帝三王之心法以爲治國平天下之準其奚所取  
衷焉然則孔子之爲萬古一人也審矣朕巡省東國謁祀  
闕里景企滋深敬摛筆而爲之贊曰

豐城縣志

卷五

學校

十一

清濁有氣剛柔有質聖人參之人極以立行著習察舍道  
莫由惟皇建極惟后綏猷作君作師垂統萬古曰惟堯舜  
禹湯文武五百餘歲至聖挺生聲金振玉集厥大成序書  
刪詩定禮正樂既窮象繫亦嚴筆削上紹往緒下示來型  
道不終晦秩然大經百家紛紜殊途異趣日月無踰羹牆  
可晤孔子之道惟中與庸此心此理千載所同孔子之德  
仁義中正秉彝之好根本天性庶幾夙夜勗哉令圖溯源  
洙泗景躅唐虞載歷庭除式觀禮器摛毫仰贊心焉遐企  
百世而上以聖爲歸百世而下以聖爲師非師夫子惟師  
於道統天御世惟道爲寶泰山巖巖東海泱泱牆高萬仞

夫子之堂孰窺其藩孰窺其徑道不遠人克念作聖

御製顏子贊

康熙二十八年

聖道早聞天資獨粹約禮博文不遷不貳一善服膺萬德  
來萃能化而齊其樂一致禮樂四代治法兼備用行舍藏  
王佐之器

曾子贊

洙泗之傳魯以得之一貫曰唯聖學在茲明德新民止善  
爲期格致誠正均平以推至德要道百行所基纂承統緒  
修明訓辭

子思子贊

豐城縣志

卷五

學校

十二

於穆天命道之大原靜養動察庸德庸言以育萬物以贊  
乾坤九經三重大法是存篤恭慎獨成德之門卷之藏密  
擴之無垠

孟子贊

哲人旣萎楊墨昌熾子輿闢之曰仁曰義性善獨闡知言  
養氣道稱堯舜學屏功利煌煌七篇並垂六藝孔學攸傳  
禹功作配

御製四賢贊并序

乾隆十三年

聖門弟子三千其賢者七十有二人史記家語各爲紀其  
姓氏考其事迹以垂之後世而能契夫子之心傳得道統

之正脈者則惟顏曾思孟四人顏子得克己復禮之說曾子與聞一貫之傳親炙一堂若堯舜禹之相授受負乎尚矣子思師事曾子發明中庸之道而歸其功於爲己謹獨孟子當戰國橫流之時私淑子思距楊墨閑聖道而養氣之論爲前聖所未發昌黎韓子以爲其功不在禹下有以也庚戌秋偶閱有宋諸儒傳因思宋儒所宗者孔子之道也孔子之道賴顏曾思孟而傳今聖廟祀典四子升配堂上爲百代之楷模因各係以贊用誌景行之私云爾

復聖贊曰貧也者吾不知其所惡壽也者吾不知其所慕德以潤身孰謂其貧心以傳道孰謂難老簞瓢陋巷至樂

允成復聖

豐城縣志

卷五

學校

十三

不移仰高鑽堅三月無違夫子有言克己成性用致其功

宗聖贊曰宣聖轍環在陳興歎孰是中行授茲一貫曾子孜孜惟聖依歸唯而不疑以魯得之會友輔仁任道重遠十傳釋經超商軼偃念彼先子沂水春風淵源益粹篤實春容臨深履薄得正以終三千雖多獨得其宗

述聖贊曰天地儲精川嶽萃靈是生仲尼玉振金聲世德作求孝孫維則師曾傳孟誠身是力眷茲後學示我中庸位天育物致和致中夫子道法堯舜文武紹乃家聲述乃

文祖

亞聖贊曰戰國春秋又異其世陷溺人心豈惟功利時君  
爭雄處士橫議爲我兼愛簧鼓樹幟魯連高風陳仲廉士  
所謂英賢不過若是於此有人人孝出弟一髮千鈞道脈  
永繫能不動心知言養氣治世之畧堯舜仁義愛君澤民  
惓惓餘意欲入孔門非孟何自孟丁其難顏丁其易語默  
故殊道無二致卓哉亞聖功在天地

亭祀諸制

頒定祀典

歲春秋二仲月以上丁日記

先師大牢一豕七羊五樂六奏舞六佾先日釋奠於崇聖祠

豐城縣志

卷五

學校

祭畢祀名宦鄉賢二祠

康熙三十八年

詔各學設樂器

雍正三年奉部頒禮樂圖籍

乾隆九年頒祭樂二器

禮器

舊貯西廡庫房簋尊爵銅鼎皆磁製自撤庫房後器遂殘缺不備

簋數百一 簋數百一 籩數二百 豆數二百 登數百三

犧尊數六 象尊數十 大尊數二 山尊數二 壺尊數六 著尊數二 鬯數二

洗數二 坫數二 勺數二 雲雷尊 篚數二 龍罍籩

巾數二百 尊數八 罍數二十 銅足數三 盥盤架 盥盤 幌巾 燭

臺 鼎 祝版

樂器

舊貯西廡庫內今更破壞無一可陳列者

麾旛二升龍降龍

應鼓

鼗鼓

笛

簫

搏拊

祝 敔

編磬

編鐘

笙

鳳簫

琴

瑟

箎

塤 管

旌

設東西兩階舞生執之以導舞

樂章

春祭夾鍾為宮倍應鍾起調秋祭南呂為宮仲呂

起調

凡樂以月律為宮下羽起調畢曲春夾鍾宮二月

卯律也秋南呂宮八月酉律也

豐城縣志

卷五

學校

十五

迎神樂奏昭平之章

無舞

大哉孔子

先覺先知

與天地參

萬世之師

祥徵麟紘

韻答金絲

日月既揭

乾坤清夷

初獻樂奏宣平之章

有舞

子懷明德

玉振金聲

生民未有

展也大成

俎豆千古

春秋上丁

清酒既載

其香始升

亞獻樂奏秩平之章

有舞

式禮莫愆

升堂再獻

響協鼓鏞

誠孚壘獻

肅肅雍雍

譽髦斯彥

禮陶樂淑

相觀而善

終獻樂奏敘平之章

有舞

自古在昔羽宮商 惟天牖民角徵羽角 惟聖時若宮徵宮商 惟先民有作徵角宮商 惟皮弁祭菜角徵宮羽 惟於論斯樂徵角商宮 惟至今木鐸徵角宮羽

徹饌樂奏懿平之章羽徵羽角 祭則受福羽徵羽角 四海饗宮宮羽角徵 疇敢不肅宮商宮羽 禮成告徹角徵羽角 毋疏毋瀆宮商宮羽 樂所自生角徵宮羽 中原有菽角商宮羽

送神樂奏德平之章羽宮商角 無舞無舞 景行行止徵角角徵 流澤無疆宮商角商 肅昭祀事角徵宮羽 祀事孔明羽徵宮商 化我蒸民羽角羽徵 育我膠庠宮商宮羽

崇聖祠祭文

維

豐城縣志

卷五

學校

十六

王奕葉鍾祥光開聖緒盛德之後積久彌昌凡聲教所覃敷

率循源而溯本宜肅明禋之典用申守土之忱茲屆仲春

聿修祀事

文廟祭文

維

先師德隆于聖道冠百王揭日月以常行自生民所未有屬

文教昌明之會正禮和樂節之時璧雍鐘鼓咸恪薦於馨

香泮水膠庠益致嚴於籩豆茲當春秋仲祗率彝章肅展微

忱聿將祀典

廟祀及陳設各圖



崇聖祠

昌聖王 裕聖王 肇聖王 詒聖王 啟聖王

先賢顏氏  
先賢孔氏

先儒蔡元定  
先儒程珦  
先儒周輔臣

先賢曾氏  
先賢孟氏

先儒朱松  
先儒張迪

豐城縣志

卷之五

學校

十七

大成殿

復聖顏子  
述聖子思子

有子名若  
卜子名商  
仲子名由  
端木子名  
雍子名雍  
端木子名  
端木子名

至聖先師孔子

宗聖曾子

亞聖孟子

耕子名冉  
子名辛  
求子名冉  
偃子名言  
師子名孫  
顯  
熹子名朱

東廡先賢

公孫正  
牧皮申  
秦申  
左邱明  
顏之常  
顏之常  
公西葺  
孔忠  
狄黑  
樂欬  
燕侯  
公祖句茲  
秦祖成  
秦祖  
句井疆  
顏句井疆  
奚答  
后處  
公夏首  
石作蜀  
壤肥赤  
顏高  
秦商  
公孫龍  
曹卿  
顏辛  
巫馬施  
司馬耕  
漆雕開  
商瞿  
南宮适  
原憲  
澹臺明  
壤臺

西廡先賢

萬章  
樂正克  
顏何  
顏非  
秦叔  
步張  
琴九  
陳選  
邦西  
公仲  
叔潔  
廉元  
原國  
鄭人  
左旂  
榮文  
罕單  
鄒定  
公肩  
良儒  
任不  
公西  
漆雕  
漆雕  
季徒  
父  
冉度  
冉季  
冉伯  
冉儒  
冉梁  
商鍾  
樊澤  
高柴  
高須  
公治  
公齊  
密哀  
林不  
放齊

豐城縣志

卷之五

學校圖

東廡先儒

湯斌  
羅欽順  
薛瑄  
王守仁  
許謙  
吳澄  
許澄  
許衡  
王柏  
魏了翁  
陳淳  
陸九淵  
蔡沈  
呂祖謙  
尹焞  
胡安國  
歐陽修  
司馬光  
王通  
諸葛亮  
鄭康成  
高堂生  
毛萇  
孔安國  
公羊高  
程頤  
張載

西廡先儒

陸隴其  
劉宗周  
蔡清  
胡居仁  
陳憲章  
陳滯  
金履祥  
趙復  
何基  
真德秀  
黃幹  
張拭  
李侗  
羅從彥  
楊時  
胡瑗  
范仲淹  
韓愈  
范甯  
杜子春  
董仲舒  
后蒼  
侯勝  
梁赤  
邵雍  
程顥  
周敦頤

崇聖祠正位帛

爵 爵 爵

和羹 和羹

脾肝	芹菹	蕕菹	稷	黍	醢	榛	白餅
豚胎	兔醢	醢醢	梁	稻	藁	菱	黑餅
	筍菹	藟菹			棗	芡	
	魚醢	鹿醢			栗	鹿脯	

豕 羊

小燭 燭 香 燭

尊案

配享位爵

和羹

芹菹	蕕菹	稷	黍	鹽	栗
兔醢	鹿醢	猪首		棗	鹿脯

小燭 小燭

帛

饌盤

獻爵	獻爵	獻爵
燭	香	燭

每位一壇

四配位帛

爵 爵 爵

和羹 和羹

脾肝	芹菹	蕡菹	稷	黍	形鹽	榛	白餅
豚胎	兔醢	醯醢	梁	稻	藜	菱	黑餅
	笋菹	菁醢			芡	芡	
	魚醢	鹿醢			棗	栗	

豕 羊

小燭

小燭

燭 香 燭

饌盤

先師位帛

爵 爵 爵  
鉶和羹 登大羹 鉶和羹

豆	芹菹	蕡菹	稷	黍	鹽	榛	白餅
脾肝	兔醢	醯醢	梁	稻	藜	菱	黑餅
豚胎	笋菹	菁醢			芡	芡	
	魚醢	鹿醢			棗	栗	

俎牛

小燭

小燭

小燭

小燭

燭 香 燭

置帛置罇案

讀祝案

每位一壇

獻官拜位東西各一壇

十哲位爵

和羹

栗 鹿脯

形鹽 棗

黍 小燭

豕肉

稷 小燭

菁菹 鹿醢

芹菹 兔醢

帛

獻爵

燭

獻爵

香

獻爵

燭

饌盤

豐城縣志

卷五

學校

二十一

每四位一壇

獻官拜位每廡三壇

神位爵

栗

鹿脯

豕肉

饌盤

神位爵

黍

形鹽

棗

豕肉

獻爵

燭

兩廡

神位爵

稷

菁菹

鹿醢

豕肉

帛

獻爵

香

神位爵

芹菹

兔醢

豕肉

獻爵

燭

名宦祠祀

晉雷煥 縣令

唐柳渾 縣令

宋程璠 縣令 楊告 主簿 宋咸 縣尉 雷繼遠 縣令

胡璉 縣令 劉韜 縣尉 劉卿月 縣令

元賈全州 州尹 陳元凱 州尹 高復禮 州尹

明史彬 吏目 林弼 知縣 何昭善 縣丞 鄭子朝 知縣

柴璘 訓導 鄭嘉 教諭 王燧 知縣 尚禔 知縣

劉燧 知縣 周鳴鶴 訓導 沈熺 知縣 顧必 知縣

王天性 府判署知縣 李國士 知縣 馮起綸 知縣

豐城縣志

卷五

學校

二十二

謝龍文 知縣

國朝白潢 大學士前 巡撫江西

何士錦 知縣

舊志名宦三十人道光四年從府志補載八人

南唐馮儀 縣令

明王英 朱諫 吳嘉聰 李廷聰

何洽 徐揚先 顧九思 俱知縣

鄉賢祠祀

漢徐穉 高士

唐王季友 御史

南唐王子邳 御史

宋劉克提刑陸筠參議盛溫如奉節于革知州

胡大訓鄉進士江端本御史

元揭傒斯集賢學士甘惟寅處士

明朱善大學士劉秩知州黃宗載吏部尚書熊直翰林

史安禮部郎中羅貴素按察僉事孫日良副都御史丁鉉刑部尚書

夏希純潘參雷誠知府徐懋昭翰林丁倬知縣

范衷知州孫日恭侍讀學士曹壽修撰孫昌助教

丁俊御史甘瑛知府杜參知州孫儼按察司僉事

劉華甫知府黃節大僕少卿涂謙按察使丁傑徵士

杜立府同知范鏞按察使李璫副使楊崇知府

豐城縣志 卷五 學校 二十三

李裕吏部尚書楊瑄按察使涂觀知府熊懷刑部侍郎

涂棐副使丁璐參政游明督學副使黃琥參政

江潭工部郎中楊廉禮部尚書黎芳學正李漢都給事

范兆祥檢討熊卓監察御史葉釗員外郎朱槩參政

吳祺巡撫雷述通判贈給事中楊璉贈府尹

楊銓府尹高宇知府楊源靈臺郎郭希顏中允

李萬平贈尚書李遂兵部尚書雷禮工部尚書孫世祐侍郎

李璣禮部尚書范慶按察副使徐南金巡撫胡杰太常寺卿

黃時濟知縣李棡御史李東華都給事夏棡大僕寺少卿

李瓚知縣李貴按察副使李材都御史游季勳府尹

徐燧贈副使徐卽登副使范謙禮部尚書李萬倩贈知縣

李瑄按察僉事熊廷相知府李復陽通政李啟美翰林檢討

熊惟廣贈給事熊鳴夏給事熊廷用贈侍郎熊尙文工部尚書

范梅知府黎汴通判李石諫太僕寺卿羅棟給事

唐良臣贈尚書唐大章禮部尚書熊鳴岐布政徐縞贈御史

徐鑒太僕寺卿邱士毅禮部尚書楊惟相員外郎李維喬知縣

黃大受兵部職方司羅憲凱知縣朱道光知縣

雷化麟大叅楊惟休通判羅文炳贈中允羅大任祭酒

國朝甘文奎光祿寺卿熊駿贈同知陸履敬進士丁文達贈叅議

丁蕙叅議李深贈郎中李雲會郎中

豐城縣志 卷五 學校 二十四

舊志鄉賢壹百十六人道光四年據府志補載二人

宋孫發崇仁尉揭來成鄉貢贈學士

又清查祠中木主三十人據名另補

宋周鶚叅政李秉刺史鄒揚知縣鄒邁僉判

李修己知州李恕己知州李義山豐城男徐經孫豐城伯

鄒祥正司戶湯體仁廉訪周彥約叅政熊汝屋主簿

熊發經歷

元揭泫翰林直學士

明袁海知府鄔在恭御史任禮布政任簡教授

袁禎御史李延廣西副使周相知縣熊一定知州



熊一中 推官 李逢 知府 雷賀 巡撫副都御史

涂鉉 知府 黃檜 封員外郎 黃焯 按察副使 熊培元 知縣

溫潤 教諭

外

李彬

按明史彬本傳實係鳳陽人即伊祖父亦繫之鳳陽未知何据入祀或以其曾爵豐城侯因擴為豐人歟姑存之并識於此

學宮各規制 嘉慶十三年合邑紳士重新

大成殿 八架二十六楹週迴磨磚夾柱石廊二十六楹南面牌坊上暨大成殿扁基址高三尺五寸直五丈八尺

豐城縣志 卷五 學校 廿五

藝文 橫八丈柱高三丈九尺六寸雕雲飛檐黃瓦龍吻如制方向壬丙兼亥巳殿前露臺三面石扶欄旁二道中三道級九高三尺直一丈七尺橫五丈零木石工料視舊有加邑紳朱國幹萬寅昂金祜衍陸毓珩四人修記見

兩廡 在殿東西翼各六架十二楹列祀先賢先儒七坊修

櫺星門 在露臺前四架十二楹四坊攏山熊懋暨熊正盛修

名宦 鄉賢祠 兩祠分列櫺星門東西各四架十二楹併禮門義路兩門九坊修

戟門 在泮池前自大成門塔下及泮池併宮牆悉鋪紅石三坊修

黌牆 週迴十八丈五尺高一丈六尺東西為門扁日德配天地道冠古今一坊修

崇聖殿 舊在學宮西北隅後遷建大成殿明倫堂後四架十四楹前四石柱重簷宏廠高廣相稱東西兩廡三面

圍牆 方向如禮殿二坊修

彝倫堂

在大成殿後明洪武二年知縣林弼建後屢有修葺國朝乾隆五十六年呂林盛復修嘉慶十二年知縣涂必松重新其制四架二十二楹週迴圍牆環衛鞏固

尊經閣

舊合秀傑樓為一後增建四架十六楹高閣聳峙週以石垣五坊修

江山秀傑樓

舊在明倫堂後稍東元州尹陳元凱厥建用朱子詩江山多秀傑各樓下為三傑祠祀邑

賢盛璫于革劉克乾隆四十年徙建明倫堂後正中五十六年在城盛元鑑六坊于合宗同修葺嘉慶十二年復遷新修崇聖祠之右四架十六楹層樓雕闌如式仍于盛二姓合修道光四年于蘭若干萬全復修

舊志云樓建於元州守陳元凱皇慶間教授李克家

改塑王季友增徐孺子於東序左右列祀名賢曰達尊祠改塑朱文公增胡安定像曰景行祠元末燬明

洪武年知縣姚瑾復建樓五間祀文昌正統五年陳僉憲撤文昌神像刻先師貌於上更各正誼宏治時

知縣劉燧新之復曰秀傑樓東南有文林堂瑞芝堂歲久圯國朝康熙元年知縣何士錦復建

豐城縣志

卷五

學校

二十六

魁星閣

舊在學門內後買劉姓地移建學門內之東四架十八楹閣高三丈一尺廣二丈四尺直二丈四尺

八坊洛溪

呂忠稷修

儒學門

在舊所高二丈一尺廣直相稱磨磚護柱呂忠稷修

忠義孝弟祠

雍正元年命各省學宮建忠義孝弟祠舊未創立是年始補建即崇聖祠舊址四架

十六楹週迴石垣二坊源嶺朱光詔修

文昌宮

在文廟東躡山熊揚銓新建址前街後湖東至劉姓祠其制享堂先代神寢頭門凡三重及兩廊共

八十八楹

齋舍公業學田

齋舍

舊有居仁由義二齋列明倫堂東西明成化時知縣王本儉建東號舍十餘間宏治七年知縣劉燧

增建嘉靖三十七年知縣曹大川修葺西號舍景泰三年知縣張敬購西偏民居劉姓地廣袤計二十三丈有

六尺建學舍三十二間餘為蔬圃外塘約廣二畝扁門日與賢浚渠通水泮池鄭嘉記宏治十一年知縣何洽重建今俱圮

舊按云豐學自宋紹興遷建以來先後賢令增養士之田恢學宮之地廣設齋舍訓課慇懃是以宋時春秋補試者二千人有明一代尤為人文輩出興學造士之效洵不爽矣今齋舍雖久圯廢猶仍舊志存其名

殿南屏牆外地 直抵連珠湖岸橫廣十數丈

儒學門前地 乾隆四年購自夏姓直長四丈有奇橫廣三丈有奇

儒學西偏地 前抵街後抵學背湖西廡繚垣外約廣十五丈右建龍山書院左即教諭署

射圃亭 明洪武十年知縣齊景明建正統二年徙學前五十步宏治元年增建廳俱圮初建遺址在學東南隅前街後湖橫廣五丈前為知縣房廷楨所建

正學祠後為春秋二祭宰牲所徙建射圃遺址即今學校

豐城縣志

卷五

學校

地 前空

連珠湖 在學前直抵城下橫廣十畝許俗名蓮湖乃文水匯聚處明嘉靖間當事誤開闢於湖左為邑

風水害雷太保禮力請吳達可堵塞併濬通明溝科第復盛近復有小民從城下開渠灌田宜禁止

魚塘二 在學前連珠湖北

射圃湖 在舊射圃南正中

學背湖 在學宮後三湖聯絡如蛛絲結網俗名蜘蛛湖

敖家湖 即官湖在城西右界河堤左界楊柳湖魚利歸

株湖 在宣風鄉地名吳城賽頭溉田千畝歷來魚利歸

學田 宋閩帥辛稼軒以腴田五百七十餘畝施於龍興路學歲來徵租者多被溺因付本學令學甲五人

掌之後逋負甚多復付本縣徵輸召民佃種糧歸各戶每田一畝載官糧租七斗四升九合輸納於縣及縣令

胡璉增養士田以後代有捐者至萬厯間議毀書院變學田則前田俱賣所存者惟楊文恪廉捐上田三十九畝七分八釐四毫二絲丁上舍果捐上田七十四畝二分八釐七毫一忽共一百一十四兩計一百五十三工在二坊金華山地方分坐竹山考坑李坊下嶺四處儒學存冊戶籍二坊十三都五圖丁孔庠楊孔庠糧歸佃戶完納租歸學書經收每年每工折收租錢二百文除開銷往來盤費及丁楊後裔考試冊費外實存錢二千文除一千文學書每逢科歲兩考易銀封固請學用印申解學憲散給廩生貧士膏火乾隆五十六年學書欠解銀兩經儒學教諭薛訓導漆稟請學憲飭縣經收經解歸禮房承辦

修學田九十八工四分

坐落 地方乾隆十三年蔣一宗以所施大明寺業歸學為

又修學田三十七畝六分

坐落 地方係二坊姜溪范昌珍於乾隆五十二年五

十三年捐為修理 文廟之費

豐城縣志

卷之五

學校

又修學田九畝三分

係五坊徐芝化於嘉慶二年捐為

又修學田十六畝零

坐落五坊九都圍內梅岡地方乾隆五十一年在城生員萬石亭捐

入修學嘉慶二十一年 契糧併歸修學戶

文昌宮歲修店租一項

坐落縣前上首道光四年 瑞山熊揚銓捐店契呈繳歸書院

文昌宮祀田五十二石六分

坐落二坊胥家山庄屋一所 太陽廟熊廷芬捐道光四年

釐冊歸書院經營

考試卷費二項

一元銀叁千兩 條塘李棠於嘉慶十九年捐為合縣文童縣府院三試卷價旋

因知縣華希高借填民欠道光二年邑士呈明知縣

徐清選詳請 上憲攤派墊補發典生息以原捐市

平元銀七五兌扣庫平紋銀貳千貳百五十兩周年 壹分貳釐行息計每年該息庫平紋銀貳百柒拾兩

四季清交以備考費案存禮科 一足錢壹千千文 條塘李翔千於道光三年八月捐

爲武童試卷及鄉場文武科生試卷  
兵科

案存

豐城縣志

卷之五

學校

二十九

書院

龍山書院

舊在曲江磯頭山宋朱子及李義山姚勉講學其地康熙三年知縣何士錦撤舊新之前為講堂後為文昌閣李基記其事乾隆三十七年知縣于崇勅以其地監勸邑紳耆捐貲於儒學教諭署西龍門書院故址重建仍顏曰龍山書院禮部主事袁守定有記見藝文

老學田

一賴塘早田壹百捌工壹分肆釐

租壹百陸拾叁石貳斗貳升玖勺

晚田叁拾叁工柒分柒釐

租伍拾一石貳升捌合伍勺

一朱溪上竹園二處早田肆拾伍工貳角半

租玖拾肆石柒斗伍

升

晚田拾工貳角半

租貳拾貳石貳斗伍升

豐城縣志

卷之五

書院

一

一緇坑澤上下山三處早田柒拾伍工貳角

租壹百肆拾叁石陸

斗

晚田捌拾伍工

租壹百陸拾肆石捌斗玖升

查此項學田規制號畝悉載學田紀畧雍正十二年知縣劉象賢酌定每歲田租令歲科一等三名生員收管繳存公署為延請書院掌教俸資及歲科兩試獎賞大比年舟車卷價併龍山住持僧飯食乾隆十六年知縣滿以經收有名無實詳歸官收銷算悉照舊例

新學田

一楓巖早田伍拾工零陸分肆釐

租柒拾叁石柒斗肆升肆合

晚田玖拾伍工玖分貳釐

租壹百叁拾柒石壹斗叁升叁合

一水西早田肆拾伍工肆分柒釐

租肆拾柒石伍斗壹升柒合

晚田柒拾叁工陸分 租柒拾捌石肆斗柒升

一中村早田貳拾肆工肆分 租叁拾肆石壹斗陸升

晚田貳拾玖工玖分 租肆拾壹石捌斗陸升

一瓦屋早田貳拾壹工捌分 租貳拾捌石叁斗肆升

晚田拾玖工捌分 租貳拾伍石貳斗貳升

一余坊早田肆拾叁工伍分 租伍拾捌石零伍升

晚田肆拾工零叁分 租伍拾壹石壹斗壹升

一高樓溪早田晚田荒田共柒拾壹工伍分壹釐共租伍拾

柒石肆斗柒升伍合

以上早晚田通計伍百壹拾陸工捌分二釐係乾隆年間改建書院餘銀續置嘉慶二年租簿內載明早

豐城縣志

卷之五

書院

二

晚租穀六百叁拾叁石零柒升玖合

公業

一根筏洲官地貳頃玖畝伍分零 舊額收租錢壹百千零伍百陸拾文為山

長束脩近洲地日生又當丈畝核實以杜欺隱以給公費

一屈家洲官地貳百零肆畝 租銀貳拾肆兩肆錢捌分扣足錢拾玖千伍百捌拾

肆文

一溫家圳港東中洲田壹百捌拾餘畝港西斫草洲肆

拾餘畝共田貳百貳拾伍畝零

此田係兩岸潮生新洲胡源聚等與溫永泰周的三等互爭致訟經審以公地私墾斷歸書院署任知縣龔復審斷令溫周二姓繳價銀八百兩以六百兩存典生息為書院公費餘銀修堤田歸溫周二姓為業

胡源聚上控布政司批府委員覆勘提訊斷令此田仍歸書院克公飭將溫永泰呈繳存典銀六百兩解府給令領回其開銷墻工餘銀俟召佃承種後即於田租內分作兩年給還但案懸未結承佃無人不能無望於賢有司之區處耳

一七坊金坊金后八義捐早田拾工半係得買江軒七業糧未過割現

在清釐

一一坊六都五圖四甲西邊早田叁號一叁石伍斗一

貳工一貳石柒斗又晚田壹號叁石叁斗道光四年一都聶功

美捐

社學 一在府館北即城隍廟西一在清都觀西今俱廢

房公講堂 在儒學東康熙八年知縣房廷楨建

豐城縣志

卷之五

書院

三

近聖樓 在房公講堂旁順治十二年知縣宗彝建會諸生課學其中今移房公講堂後即訓導署

龍門書院 在儒學西明崇正間知縣謝龍文建圯今建龍山書院

龍光書院 在儒學西二百步有講堂扁曰聖學心傳有室有廊廡有儀門有坊牌嘉靖徐督學一鳴

命知縣沈煊創建二十八年知縣韓弼重葺今改為韓公祠

劍浦書舍 在正法寺東圯 按通志有寶修書堂在正法寺左明隆慶間叅議徐用檢建疑即此處

蔡公講堂 在治西大街為知縣蔡毓華建今改萬壽宮

劍江書院 在治東康熙年間知縣何士錦講學之所乾隆七年知縣朱懷拭為建關帝廟

盛家洲書院 在治東藍家巷宋盛溫如建朱子過訪有詩見藝文久圯嘉慶十二年邑人於洲前

建亭誌其遺跡道光四年縣丞姚敏德修葺立碑篆朱子訪盛傑士處七字并勒朱子詩自為記

各鄉書院



徐孺子書院 在櫛山南一名讀書臺

蓮溪書院 在櫛塘宋李琮建延邑賢周諤講學於此院臨蓮池故名李南素有記

古龍光書院 在榮塘劍池廟側宋紹興間邑人陳自倪創高宗賜額前立頭門中設大殿祀

先師像後建六經樓仰止堂左為講堂右為規戒堂四方就學者三百餘人悉廩之朱子過書院畱居一月元至正間裔孫陳必強宗強修歐陽元篆額明末燹後陳氏重新之

龍澤書院 在櫛山舊為王季友祠南唐王子邳建宋雷宜中改建書院

石峯書院 在梅仙鄉石牛峯下大霄觀側里人陳友沅創為講學之所

敷山書院 在同造里宋邑人孫餘慶建揭俛斯記道光三年生員孫金等移建敷山下

貞文書院 在長寧鄉揭俛斯請於朝為父來成立制如學官選學官為山長主之歐陽元記見藝文

舊岡義塾 在長寧鄉元揭惠建制如貞文書院吳澄記見藝文

豐城縣志 卷之五 書院 四

橙溪書院 劉漢廣建

同文書院 在湖茫元李克家王季常建趙文記見藝文

城南書屋 在荷塘羅懷王建金幼孜記

荷塘書院 在荷塘黃得中建黃宗載記

劍東義館 在袁坊明嘉靖四十年袁伯明建前為樂育堂後為養善堂又後為號舍四左右翼以號

舍十二庖廩舍十五井釜皆具捐腴田二百二十畝給學者費

羅山書院 在湖茫明嘉靖間李遂建

蓮槎書堂 在槎煥蓮花寺內李材建

吳臯清野 李材講學之所

獅山義塾 在縣西南一坊八都一圖乾隆三十三年本坊公建敖宗瑚記見藝文

麟山義塾 在四坊石灘里長埠

綠野別墅 在四坊瓘山龍溪頭松山下處士熊正盛建  
邑人羅拔記督學汪廷珍書後

九都義塾 在一坊九都三圖公建有贍學田呂新記

興賢義塾 在四坊邵坊

逢原書院 在八坊八十一都三圖熊莊道光三年本坊  
義士捐建碑勒書院知縣徐清選有記

補載

龍山書院存留膏火錢肆千貳百仟文  
道光四年合邑士民義捐交貯

典商按月一分生息不計閏案存禮科知縣徐清選有記

兵備

漢

高帝五年灌嬰渡江破吳郡遂定豫章會稽郡

灌嬰傳

時豫章郡領縣十八南昌其一豐時尚未析縣是即南昌縣南境

建安四年冬十一月孫策徇豫章太守華歆降

通鑑綱目

吳書江表傳華歆為豫章太守孫策討黃祖旋軍欲過取豫章使虞翻到郡謂歆曰討逆將軍智畧超世用兵如神卿坐守孤城不早為計悔無及也今大兵已至椒印明日中迎檄不到者與君辭矣翻既去歆明旦出城遣使迎策既定豫章引軍還吳策明年薨弟權代至建安十五年乃析南昌南境置富城縣

梁

大平二年春二月梁蕭勃起兵廣州次於南康丞相陳霸

豐城縣志

卷五

兵備

先使周文育擊勃獲其將歐陽頎傅泰勃為其下所殺

通鑑綱目

周文育傳蕭勃舉兵踰嶺詔文育督師討之時新吳洞主余孝頃舉兵應勃別將歐陽頎頓軍苦竹灘傳泰據灘口城在南康郡之北為犄角之勢文育於豫章立柵會食盡使人遺周迪書約為兄弟迪時為臨川內史迪喜許饋以糧文育分遣老小乘舫沿流俱下燒柵佯為逃遁狀孝頃信之不設備文育由間道信宿達盱韶築城饗士頎大駭因退入泥溪文育遣嚴威將軍周鐵虎等襲擒之遂至灘口城攻泰泰亦敗蕭勃在南康軍為其將譚世遠所殺夏侯明徹持其首降  
前志苦竹灘即苦竹洲在大江中距今縣西南三里平衍廣袤可容萬餘人按黃法氈傳太平元年割江西四郡臨川安城豫章巴山置高州以法氈為刺史鎮巴山後蕭勃歐陽頎來攻法氈破之則二年之起兵攻豫章故也顧據邑苦竹洲以駐師控上游扼豫章之吭使傅泰由灘口城相應合兵夾擊雖有金湯

隋

孰能禦耶其所取敗者以周迪受文育之給余孝頃不為設備所至乃知用兵虛實情偽不可不詳察也

大業十二年冬十月鄱陽賊帥操師乞攻陷豫章郡以其鄉人林士宏為大將軍治書侍御史劉子翊將兵討之師乞中流矢死士宏代領其眾與子翊戰於彭蠡湖子翊敗死宏兵大振眾至十餘萬人士宏自稱皇帝國號楚豪傑爭殺守令以應其地北自九江南及番禺皆為所有

江西大志

前志云按士宏蹂躪殺戮極為慘烈豐邑受害尤酷邑治幾廢自此陷于寇者數年

唐

豐城縣志

卷五

兵備

二

武德五年林士宏卒其眾遂散

通鑑綱目

林士宏傳弟鄱陽王藥師以兵二萬圍循州總管王世畧破斬之士宏請降王戎亦獻南昌地士宏尋卒黨乃解散舊按高祖既得南昌即于是年復置豐城縣至高宗永徽二年始命移治今所

乾符五年王仙芝餘黨陷洪州過豐城傅邴率五百義士

與戰師潰死之

綱鑑叅省志

天祐三年夏四月鎮南節度使鍾傳卒子匡時為留後秋

九月楊渥取洪都

通鑑

時有李承龜者招討隴西李神福子也年二十三英烈過人為淮南節度使楊渥部將渥遣從秦裴攻鍾匡時取洪州屢立戰功轉戰至邑楊梓洲救不至敗死士人哀其忠即墓側立廟祀之宋紹興中賜額威

顯

南唐

莊宗時土寇四起王子邳與弟子邳子邳率眾衛鄉井寇

至子邳死之 省志本傳

宋

建炎三年十一月隆祐太后如虔州江西州軍多陷 續編

豫章書兀术分兵一自滁入江東一自蕪黃入江西  
滕康劉珪聞險至奉太后出城由豐城舟行次吉州  
方五日兀术提兵由豐城沿江追之太后仍舟行至  
泰和縣由萬安縣陸行如虔州十二月金人屠洪州  
紹興二年韓世忠統師二十萬道出豐城 何穆傳

元

至正十二年紅巾賊渡江萬戶熊某率眾破之 豐乘

豐城縣志

卷五

兵備

三

十三年李明道集兵據州境學正毛鐸死之

冬十一月江西右丞火你赤以兵平富州臨江遂復瑞

州 豫章書

十八年陳友諒寇隆興路江西諸郡俱陷富州亦沒 元史

二十一年明兵分取江州諸路十一月偽漢左丞鄧克

明遣其員外羅天錫以分省印及撫州建昌臨江汀州

四路南豐寧都富州三州樂安臨川等十八縣印詣鄧

愈降 豫章書

明

正德十四年六月十四日丙子寧王宸濠反都御史孫燧

副使許達死之時撫虔都御史王守仁奉勅往勘福建軍亂十五日道經豐城縣尹顧似亟白宸濠反狀且請討賊守仁易服潛還至臨江幾為邏盜所及乃駐吉安檄諸郡兵大集秋七月十八日過豐城師甚整二十日攻南昌破之二十四日戰於黃家渡賊大潰二十六日復戰於樵舍濠就擒豫章紀事

嘉靖四十年八月閩越寇數千壓邑境徑長安趨臨江居民洶洶四竄巡撫胡松檄按察僉事盧岐嶷提兵擊賊敗之楊湖賊遁去

國朝

豐城縣志

卷五

兵備

四

順治二年大兵至江西南昌歸附豐城屬焉前志

十二年土寇入城焚掠旋遁去請兵討平之前志

八年突有賊入城橫恣屠殺邑治幾空大家世族遭毒

尤酷隨入鄉剽掠除夜分部入四五坊村落任意殺戮

明日元旦更肆慘虐屍骸枕藉積二十餘里自有豐以

來罹禍之慘無有甚于此前志

舊志附時有廖文化茅裡鑽者大家之僕佃也性悖鰲頗有勇力鄉中不法子弟多附之積至數千人白日淫殺莫敢誰何各鄉鼠盜非其黨者亦自稱廖賊帳下由是縣境騷然任賊所毒居民苦之乃共設為穿都法約村有賊則并一村之力討誅之昇其屍示各村村有賊不誅者則合通鄉共戮其村彼此互防遠近交勦一年之間賊乃靖

邑東南緊隣撫州鄉寇竊發自樂安來者恃樓下爲遮蔽自崇仁來者以同造爲捍禦二處完固直北村落卽保無虞而兩姓居民亦極激

義堅守至有捐軀不悔者

又同造以山爲障樓下則以堡爲依蔣姓所築土垣藩籬週密隱若金湯分立四門繞以濠塹井井有法順治己亥康熙甲寅賊兵兩次衝擊卒不能破巡撫董提督趙親閱其地稱爲一方重鎮并給文獎其義勇勒石至今猶存

舊按云邑治無高山大川修城固圉積儲足食固長策也芸芸赤子沐

國家休養生息百有餘年老死不見兵革可謂久安長治矣但桑土綱繆有備無患備城足食諒亦留心地方者之所當急籌也

祠祀 寺觀附

壇

社稷壇 在大東門外朱嘉定間縣令唐容創邑人劉充記明洪武中知縣齊景明重建歲春秋二仲月上戊

尸祀豕二羊  
二餘品如規

先農壇 在登仙門外雍正五年知縣高岑奉

首建祀先農神祭壇一座神庫三間陪房二間瘞地一口壇前置耜田四畝九分歲仲春行耕耜禮祭用羊豕各一餘

規如

風雲雷雨山川壇 在登仙門外楊柳湖北明洪武中知縣齊景明創每歲春秋二仲月上巳日祀

羊豕各三  
餘如規

厲壇 在小北門外知縣齊景明建歲清明日七月望十月朔日祀祭品如山川壇

豐城縣志

卷五

祠祀

祠廟

城隍廟 在治西北步明洪武中知縣林弼初建正德八年燬知縣吳嘉聰重建嘉靖間知縣曹大川修

國朝康熙四十二年知縣薛景瑩重修嘉慶十三年知縣鄭壇同闔邑復修後園地一片僧月澄置殿後石墻僧光

斗捐

關帝廟 在治東三十步前殿祀關帝即劍江書院故址中殿祀文昌先代舊係通坊十里當差公所後為春

秋閣閣後祀關帝先代俱乾隆七年知縣朱懷棧改建自為記每歲神誕及春秋二仲月上戊日致祭祝釐習

儀朔望讀法悉于此監生楊國棟捐浙江坑早晚田九工半貢生范蘭生員丁林共捐賽頭晚田十九工半又

後秋官田十二工半新墾馬湖墻官田  
八工通共田四十九工半付住持收管

東嶽廟 在大東門外邑人熊世宏施建明洪武中知縣林弼改建有記

國朝康熙元年知縣何士錦重建每歲立春迎祀勾芒神于此



龍王廟二一在西門外墻上明成化間主簿黃璉建 一在高陞門外新砌七星埭側乾隆十七年知縣滿

代建

火神廟 在高陞門外河街乾隆間知縣李培建

忠孝節義祠 在城隍左即布政司行署址祀唐義士傅祠宋忠臣徐子中黃端卿明忠臣丁鉉史安楊

瑄楊源鄧子龍義夫楊璉孝子涂壽徐濤楊嗣堯熊州俊熊培赤孫天鳳葉香

國朝忠臣甘文奎周尚功孝子黃士宏余友芳周道竣凡二十一人雍正三年知縣汪雲鵬奉

旨建

節孝祠 在忠孝節義祠後雍正四年知縣高岑奉

旨建

天符廟 在小東門外邑人涂具質建

豐城縣志

卷五

祠祀

二

三王廟二 一在高陞門外 一在正法寺東

文公祠 舊在小北門外祀宋信國文天祥元初公子孫自吉徙此立祠明嘉靖間巡按朱豹巡撫陳察疏請

歲春秋祀今遷建城隍巷

正學祠 在治東省牲亭北祀朱子以邑賢李材徐即登配康熙十年知縣房廷楨建

武當行宮 在細彩灣廟廡雷神素稱靈應明天啟間有巨樟檠于河梗流壞舟商人苦之居民率百餘人

挽不能起知縣馮起綸禱于廟越日風雨大作若雷自殿廡出挈樟至岸馮上其事定于六月二十日祭

吳公祠 在西門外祀明知縣吳達可今圯

張公祠 在登仙壇旁祀明知縣張廷拱今圯

江公祠 在平豐墻祀明知縣江朝賓今圯

陶公祠 在戴家巷口臨街祀明署知縣陶以詩今圯

徐公祠 在登仙壇旁祀明知縣徐揚先今圯

馮公祠 在西門外祀明知縣馮起綸今圯

沈公祠 在治前右偏祀明知縣沈斯棟今圯

劉公祠二 一在北門外祀明知縣劉璉正德間卽普菴堂  
爲之每歲後山川壇祭儀品如各宦祠 一在

高陞門外  
濱江今圯

韓公祠 在治東壽昌寺旁祀明知府韓弼

報功祠 在縣治儀門外架房前祀晉令雷煥唐令柳渾明  
知縣韓弼曹大川徐子器萬歷間知縣吳達可建

明末燬址  
爲民房

劉徐二公祠 在華嚴寺側明嘉靖間巡撫劉光濟知縣徐  
子器丈糧清稅因立祠祀之今圯

華公祠 在平豐壩祀明知縣華士標今圯

豐城縣志

卷五

祠祀

三

湯公祠 在大東門外大路口祀明知縣湯兆京李瑄徐卽  
登有記今廢

斗門廟 在城南石閘上爲水口鎮

沙岡廟 在登仙門外

二王廟 在西門外官壩乾隆壬子堤決漂沒今改建

令公廟 在館驛前新建

壇頭廟 在折桂門外

寺觀

壽昌寺 治東唐馬祖建邑人潘清隱施僧聞修募修舊時  
祝釐習儀于此寺東有關帝廟署知縣高培建

正法寺 在治東晉時邑人傅士華施地南塔湧禪師建內  
分十院順治庚子知縣何士錦同邑紳創師表堂

僧如初以  
貯全藏經

白雲庵

東門內城隅明羅洪先寓此有詩見藝文

西禪寺

城西舊名勝因唐時建今廢

南禪寺

登仙門外今廢

竹林庵

登仙門外楊柳湖側

華嚴堂

大東門外沙白亭寺外石路僧月澄募修

連珠寺

小北門外邑人楊范蔣三姓公建僧泰欽重修後移建城隍廟內左側道光二年僧光斗重修

廣慧庵

折桂門外

青雲庵

登仙門外今廢

能仁寺

斗門外今廢

白衣庵

斗門外今廢

豐城縣志

卷五

祠祀

萬壽宮

治西大井頭祀晉真人許遜雍正十年知縣劉象賢卽蔡公講堂改建

清都觀

在西門內闕家山晉真人甘戰昇仙飛篁墜地遂生業竹每風和露澄之夕空中有簫管聲道士黃

紹宗因建飛篁觀宋改今名

白鶴觀

在西門內嚴家山晉真人甘戰飛昇于此族人建飛仙菴後改廣福觀唐高宗封禪見白鶴飛翔詔

天下未賜觀額皆稱白鶴故名今廢

應元宮

高陞門外舊名金鳳山道士唐丹霞募族地基創建乾隆八年燬道士江太兩重建

陽靈觀

小北門外邑人涂文昭楊三榮施建地舊有蛟穴因創觀祀真武像鎮之

高原福地

斗門外仁里坊

登仙壇

城西官壩頭爲堤埽鎮

北宸山

小北門外濱江舊名普菴堂祀嘉慶二十二年道士陳復貴募重修

普明堂

西門外官墻

以上皆附郭

各鄉

壇

里社壇

凡三百二十四所建于各里今廢

鄉厲壇

凡三百六十所亦各里建竝廢

祠廟

劍池廟

即古龍津廟 在登仙鄉滎塘祀晉司空張華縣令雷煥舊名劍池廟宋紹興中賜額龍津嘉慶丙寅土人重修仍額曰劍池廟西

改龍津為僧舍東建天符廟

太仙廟

在北湖舊名龍光廟祀晉張華雷煥唐李白

豐城縣志

卷五

祠祀

五

宿岡廟

在登仙鄉錢塘旁為文昌閣滙善菴

尚山廟

碑

在九都宋時里人掘井得沉香木衆異之因肖像建廟水旱疾疫禱輒應舊為鄉約所外有義圖石

靈惠廟

在長安鄉祀唐廬陵黃元二子燻燭

尋鞍廟

在三十四都二圖祀劉先帝孫北地王

諶母廟

在羅山旱求雨輒應

壺山廟

在三坊蓮花橋距縣二十五里明孫世佑有記

張睢陽廟

在郭坑

彭塘廟

在貞文書院北祀唐清源妙慧真君

城山廟

在折桂鄉祀宋岳武穆文文山謝疊山

靈槎祠 在廣豐鄉故縣晉時富城鄉白石墓有大木民伐

以獻次獨儲津木忽逆流至此江魚數萬擁護人異而祀之號泛槎神太守范甯奏聞勅封宋紹興中賜今額

超山廟 在富城鄉晉范登雲尸解于此因祀之

河頭廟 在石灘橋

東澤廟 在大順鄉明永樂二年建

厚郭廟 在正信鄉唐義士傅神禦寇戰沒于此鄉人立廟祀之張自明彭教有記

宗賢祠 在楮山祀漢徐孺子唐王季友宋胡安國以下凡十有二人咸淳中尚書雷宜中即龍澤書院改建

元范登有記見藝文

高埂廟 在小港口

以上河東

豐城縣志

卷五

祠祀

三賢祠 在龍頭山巔祀朱子及邑賢李義山寓賢姚勉即舊龍山書院明李夢陽有記查慎行有詩見藝文

道光四年知縣徐倡捐重修

大橋廟 在曲江磯灣明嘉靖二十三年旱典史王棟禱雨有驗

威顯廟 在宣風鄉楊梓洲唐李承勳戰沒葬此著靈異土人即墓側立廟祀之南唐徐鉉有記宋紹興二年

勅封今額

羅湖廟 在羅湖水口

南神廟 在青潭山

三渡祠 在松湖旌陽三渡處其地有杖井仙亭晉楓諸蹟

聶公廟 在九坊與仁鄉十四團公建

雷祖廟 在雷王嶺旱可禱雨下為近鶴寺

天符廟 在九坊興仁歸德二鄉八圍公建

蕭仙廟 在九坊美獅嶺唐時建明清溪李僉憲重修

清潭廟 在九坊興仁歸德二鄉八圍公建

隍城廟 在九坊歸德鄉舊名仰山廟明知縣謝龍文以其里名易之以上河西

寺觀

龍沂庵 在登仙鄉瀕隄上有斗姥閣

梵慧寺 在北海唐馬祖建

蘇山寺 在劍池鄉十五都

資善寺 在二坊曾家山唐馬祖建

豐城縣志

卷五

祠祀

青果寺 在長安鄉蔣家樓

瀑水寺 在二坊大街甘姓建

大明寺 在大坑蔣家樓今廢

壽聖院 在長寧鄉宋祥符間建

聖乘院 在龍門山西

定慧寺 在下藍溪祀晉時本鄉女仙

連珠寺 在長寧鄉四十都宋時東湖鄒伯宗建

元貞寺 在流溪

北屏庵 在廣豐鄉五十六都楊姓建

白雲寺 在廣豐鄉

楮山寺 在廣豐鄉

石灘寺 在石灘橋側

七寶寺 在龍門

靖氛寺 在故縣熊明璞建今廢

圓覺寺 在正信鄉

龍澤智度院 在楮山宋僧廣照建胡寅記見藝文

鎮龍庵 在落鷺口李坊李大岐建

以上河東

西來山 在驛前對岸

宣妙寺 在株林橋頭

豐城縣志

卷五

祠祀

方廣寺 在赤岡

無為寺 在興仁鄉塘坊唐建

華嚴寺 在興仁鄉馬祖建

光福寺 在興仁鄉八十三都馬祖建

清潭寺 在興仁鄉清潭嶺下僧枯木募建

蓮花寺二 一在槎嵐市 一在西鄉蓮花橋

香社寺 在宜風鄉宋僧明霞建

正悟寺 在宜風鄉

法忍寺 在曲江今廢

海慧寺 在感山宋僧雲臥建順治間僧洞明重修宋姚勉嘗寓此前有止蛙池

水草園

在宣風鄉棗梨岡即古法華寺邑人唐金星施建僧犢如重修寺東建拜經臺四宗堂雍正間知縣高岑與僧犢如結松蓮詩社于此

香社院

在宣風鄉宋時建今廢

海覺院

在龍霧洲東有睢陽廟神甚靈異西為文昌閣

慧燈寺

在宣風鄉馬祖建

凝福寺

在七坊奇峯山

迴龍寺

在八坊南溪里歐陽炳有記

益龍庵

在興仁鄉吳山里

正覺寺

在楓樹下

洛伽古刹

在洛伽山

豐城縣志

卷五

祠祀

九

定明寺

在長豐鄉馬祖建

金鳳寺

在九坊歸德鄉坪塘圍公建

普照院

在長豐鄉

正宗寺

在歸德鄉宋僧空菴建

淨住寺

在歸德鄉馬祖建明進士吳道南嘗讀書其中寺外有觀音峯馬跡泉石櫬石門無字碑蒲團山活埋處諸勝寺門雙柏塔蒼然出翠微上相傳為前千年物

近鶴寺

在歸德鄉舊名慈觀寺

三聖寺

小華山巔寺前有一笑橋伏虎石寒牛洞玉几峯明大學士朱善姜曰廣皆有詩

蓮池寺

在歸德鄉飛鳳山

林泉寺

在歸德鄉



以上河西

雲中寺 未詳

永福寺 未詳

紫霄觀 在登仙鄉五都許真君嘗煉丹于此

崇仙觀 在梅仙鄉十都晉真人曾亨煉丹于此宋道士朱肖菴建

紫府觀 在劍池鄉晉曾亨洗藥處

金華院 在金華山巔

仙林觀 在會昌鄉三十四都舊名興元晉尹真人道場

吳珠塔 在長寧鄉祀浮邱王郭三仙

丹霞觀 在富城鄉晉王郭二仙經遊處梁道士黃空洞建

豐城縣志

卷五

祠祀

十

勝靈觀 在大順鄉晉浮邱公經遊處宋道士張慶齋建

堯壇觀 在堯山

景福觀 在鍾城山

招雲觀 在正信鄉王郭二仙經遊處宋道士張堅建

以上河東

東嶽觀 在曲江

梅仙觀 在宜風鄉漢梅福修煉于此後立梅仙菴

冲靈觀 在興仁鄉道士游希元建

成仙觀 在興仁鄉許旌陽手植杉樹唐道士喻立建

興雲觀 在興仁鄉許旌陽經遊處元道士鄔自閑建

烏石觀

有宣風鄉烏石岡舊名至德晉許旌陽修丹于此

道壇觀

在雲莊

懸履觀

在歸德鄉一名集虛許旌陽嘗憩此懸履故名下有劍泉道士傅仲儀建

以上河西

舊按云豐之神列祀典者僅矣其香火崇祠仙佛廣院無慮數千自芥子壺公施必有主顧其先祖若父破慳囊佈淨宇以為功德地迨年湮世遠子孫爭檀樾名至于宗親為獄鄉里成讐積歲時傾貲業而不自顧者相屬也吁亦愚矣哉

豐城縣志

卷五

祠祀

祥異

晉

永熙初年紫氣見斗牛間獲寶劍

龍光志

按晉書吳未滅斗牛間常有紫氣當時皆以吳方強盛未可圖也惟張華以為不然吳平後紫氣愈明華聞豫章人雷煥妙達象緯乃要煥宿屏人曰可共尋天文占將來吉凶因登樓仰觀煥曰僕察之久矣惟斗牛之間頗有異氣華曰是何祥也煥曰寶劍之精上徹于天耳華曰君言得之因問曰在何部煥曰在豫章之豐城因補煥為豐城令煥到縣掘獄獲雙劍一曰龍泉一曰太阿是夕斗牛間氣不復見

昇平四年鳳凰將九雛於豐城

今苦竹為鳳舞里梧桐岡

冬十一月

鳳凰復見羣鳥隨之

舊志

南朝宋

豐城縣志

卷之五

祥異

元嘉二十七年夏四月乙卯甘露降戊午天氣清明有

彩雲掩覆南昌郡邑甘露自雲中降太守劉孝思以

聞 豫章書

唐

元和二年秋洪州太旱

省志

長慶三年秋洪州螟蝗害稼八萬頃

豫章書

太和四年大水鼠害稼 八年秋水害禾

豫章書

宋

祥符四年秋七月大水傷稼漂民廬舍

舊志

治平元年洪州大水

安志

元豐二年秋洪州稻已獲再生皆實 安志

大觀二年龍霧洲獲古鐘大小九有篆文詔進上 安志

紹興四年洪州大水圯民廬自夏至秋江西二十七縣皆水 舊志

乾道三年秋八月江東水溢於山隆興四縣為甚 舊志

按省志隆興三年秋八月積潦至九月禾稼皆腐隆興四縣為甚與此互異考宋史孝宗隆興止二年九年改元

淳熙元年饑賑以常平義廩 五年大水決觀巷堤

七年夏五月至秋七月不雨 九年甘露降於曲江

海慧寺 十四年旱 十五年大水 舊志

豐城縣志

卷之五

祥異

二

嘉泰四年春大饑令發常平倉賑之部使者益以綿粟

豫章書

端平元年夏六月朔晝晦大風雨雹吹濱江廬舍入水

人多溺死縣治鼓角二樓盡毀折梁椽飄擲一空帥

守陳鞞自劾 采安志

元

元貞七年春二月龍興路饑 府志

大德元年夏五月龍興路水 七年夏五月龍興路饑

八年龍興路水 九年夏六月龍興水 十年夏六

月龍興蝗 豫章書

皇慶元年夏四月龍興路雨害稼 豫章書

延祐元年秋八月龍興路水 江西道志

泰定二年龍興路饑 府志

至順元年江西饑有田之家盡為餓殍 府志

至元元年春三月龍興路饑 二十七年秋龍興路水

溢 府志

至正三年大疫 十年夏五月龍興路大水 十三年

夏大旱 十四年冬龍興路雨木冰 豫章書

**明**

永樂十一年春二月饑 豫章書 十二年大水 十三年夏

豐城縣志 卷之五

祥異

三

四月南昌府屬大雨江水泛溢壞廬舍沒禾命戶部

遣人撫卹 府志

洪熙元年夏五月南昌府屬久雨水潦傷稼命行在戶

部蠲其租 府志

宣德八年夏六月南昌府屬大雨江水溢巡撫趙新奏

蠲租巡按尹鏜奏免工部坐派諸色顏料竹木鑄錢

等項俟豐稔徵輸 十年大饑 府志

正統五年春夏南昌府屬淫雨江漲滄沒早禾六月亢

早晚禾枯死布政使司以聞命戶部撫卹 十二年

南昌府屬水民乏食巡撫芮釗奏免賑濟 十四年

大水 府志

景泰七年夏四月南昌府屬淫雨自五月至秋七月旱傷禾稼巡撫韓雍奏豁秋糧從之 府志

天順二年南昌府屬久雨大水決民舍損禾稼 四年

夏四月江水溢民饑免秋糧 舊志

成化元年南昌府屬旱減稅糧三分 府志 秋七月大水詔

戶部勘實以聞 三年夏南昌府屬自四月不雨至

六月禾盡枯 四年大水決堤五十餘丈漂民居十

餘家 十年春三月大風拔木治南棟椽有飄飛郊

外者壓死人畜無算次日樹間挂巨鱗長鬣或疑為

豐城縣志

卷之五

祥異

四

龍方伯陳煇蒞縣賑卹 十三年夏四月大雨雹夏

六月芝草產於學宮堂東楹 二十年春三月大雨

雹 二十一年夏五月大水決堤漂民居 舊志

宏治七年冬十月甘露降於梅仙壇 李家宰記

正德四年大雨雹夏六月大水 五年夏五月大饑

八年夏六月壬戌邑西南隕火星如斗光赤明日火

起焚官民廬舍二萬餘間死於火者三十餘人已而

復隕火星如盆火復起至七月二日方熄戶部疏請

行巡撫查勘被火之家分別賑卹從之是年水復旱

蠲稅九分冬雨木冰 九年八月朔晝晦星見 十

二年夏四月地震御史范輅上其事 十五年正月  
至三月恒雨夏四月大水决堤漂民居二十餘家大  
傷稼五月三龍見於楓林橋暴風壞屋御史唐龍疏  
請賑卹 舊志

嘉靖元年夏五月大水饑决堤共一千七百餘丈壞田  
廬漂男女數十人 五年夏五月大水 十一年夏  
六月大雷雹秋七月蝗冬十二月雷 十二年夏四  
月大水 十六年春正月雨木冰夏五月大水决馬  
湖堤五十丈 十九年大水饑蠲稅 二十年甘露  
降於密嶺 二十二年春正月朔慶雲見 二十三

豐城縣志

卷之五

祥異

五

年旱大饑 二十四年大饑是時黃源出土曰仙米  
饑民鋤食之多病 二十九年夏四月黃霧三日  
三十五年夏四月大水决堤漂民居十數家 四十  
年春正月雨木冰三月大雨雹大者如雞子小者如  
桃李九月邑西桐葉皆生蟲狀如武弁 四十一年  
夏四月至六月大水城圯百二十丈决堤二百三十  
餘丈大傷稼 四十三年水免稅糧有差 四十四  
年饑 舊志

隆慶二年饑巡撫劉公光濟奏免秋糧及改折南京倉

米 安志

萬歷三年地震且旱 十四年大水蠲賑有差 十六年旱饑蠲免存留糧銀有差 三十二年冬十二月龍見田中身長四十餘丈頭似麟七日後飛翔挾風雨而去 三十四年旱災免正官觀 三十七年夏大水巡撫衛公承芳巡按顧公造奏請蠲卹 四十二年水傾二王廟堤七十丈 四十四年夏五月大水決馬湖堤三百餘丈漂民廬舍壞洪橋 舊志 天啟元年春雨木冰 四年芝草產於學宮 舊志 崇禎四年秋七月十八日地震九月十六日天鼓鳴冬十月十六日地震 六年夏雨黑粟人種之生兩葉

豐城縣志

卷之五

祥異

六

國朝

順治三年春芝草產於登仙門外民舍夏大旱 四年春恒雨夏五月水大饑斗米銀七錢民齧草噉土餓殍載道 八年春三月大風霾治前石坊壞木多拔屋瓦飄擲 九年夏四月長樂鄉水暴作崩山裂石溺男女漂廬舍決田數百餘畝土人傳為金牛怪出云 十四年甘露降於縣署 十六年旱巡撫張公



按院李公奏蠲稅糧十之三 十八年春二月雨雹  
大風拔木五月大水壞鷄婆堤漂民廬舍墳墓塞田  
百餘頃溺男女三十餘人巡撫張公奏蠲稅糧十之  
三 舊志

康熙元年芝草叢生於感山寺夏大旱總督張公巡撫  
董公奏蠲稅糧十之三 二年夏旱秋七月水 三  
年秋大旱九月甘露降於治東景福觀 十一年春  
大饑巡撫董公衛國奏蠲稅糧發倉賑濟 十八年  
旱巡撫安公世鼎賑卹 二十一年夏水巡撫佟公  
康年蠲賑 二十六年大水決堤 二十七年旱

豐城縣志 卷之五 祥異 七

二十九年大水決堤 三十二年旱 四十一年大  
水決堤 四十三年大水 四十四年夏五月水決  
堤巡撫郎公廷極蠲賑 四十五年五月大水決堤  
四十八年大稔 五十二年夏五月大水決堤千  
餘丈城市水深五六尺民居低窪者沒戶 五十三  
年冬十二月雨冰積地數尺 五十九年大稔 六  
十年有星大如盃晝見數月始沒 舊志

雍正四年八月大水決堤秋禾災奉

恩蠲賑 十年大水決堤冬十一月火延燒數百家 舊志

乾隆二年六月大水決堤 四年十月火災延燒數百

家 六年十二月火災 七年夏五月甘露降於學

宮 八年夏四月水決堤大饑時淖塘出土細膩如

赤石脂鄉人掘取和糠粃作食日六七千人冬彗星

見至次年春始沒 十年秋七月火延燒數百家冬

十一月雨木冰 十一年春正月雨木冰樹折古樟

多枯死 十三年疫冬無雪 十四年疫冬少雪

十六年春正月二十六日大風河西雨黑雪驛前渡

船覆溺死八十餘人邑紳士倡捐募船沿河撈屍清

明日知縣滿爲文親詣河干招魂以祭夏四月水五

月旱民饑館驛前新砌石岸陷閏五月舊土岸裂無

風水湧傾陷數十丈上憲召龍虎山提點書符鎮怪

七月岸復陷 十七年春恒雨大饑民多採樹皮草

根作食夏四月大水漂麥傷稼決熊家厰土堤十七

丈邨家厰土堤三丈九尺

舊志

乾隆二十二年秋九月十六地震 二十五年大旱

二十九年夏五月大水決堤舟入市冬十月痘疫小

兒殤者無算 四十五年夏四月大雨雹 四十九

年大水 五十一年大旱饑 五十四年大旱 五

十七年夏四月大雨水二黃墘堤決漂沒廬舍無算

田多沙塞

嘉慶七年大饑巡撫秦請緩征 八年民饑穀騰貴

十年冬十一月地震 十一年大有年 十二年大

旱自五月至七月不雨 十三年夏五月大雨水

十四年水 十五年水 十七年夏大水雷公腦堤決

十八年大水 十九年水 二十一年夏五月旱

二十三年夏五月大水螺螄街堤決北城及學宮

墻皆衝圯 二十五年夏大旱河竭

道光二年春正月雪深數尺夏四月大水湯家巷螺螄

街雷公腦堤俱決 三年夏淫雨大水由鄉田廬皆

沒

東阿縣志

城

卷之五

詳異

九